



## Universitätsbibliothek Paderborn

**Apologia Pro Conscientiis infirmis, Sev Responsio Benigna  
Pro securitate dictaminis practici super certa  
probabilitate fundati**

**Fibus, Bartholomaeus  
Schweitzer, Johannes**

**Coloniæ, 1682**

§. Septimus. Ulterior probabilisticæ progreßus exponitur.

**urn:nbn:de:hbz:466:1-39304**



## §. S E P T I M U S.

*Ulterior probabilitisticæ progressus exponitur.*

1.  X his ergò, qui ætate hâc nostrâ libris editis propugnârunt probabilitisticam, præter suprà attactos præcipui sunt, Ecclesiastici status Viri *Ioannes Sinnichius Doctor Lovaniensis*, *Propper Fagnanus nobilis Canonista*, *Stephanus Gradus Vaticanæ bibliothecæ Præfectus*, & *Salisburgensis quidam Theologus sub assumpto nomine Wendorokii*. Item religiosæ familiæ ex Illustrissimo Ordine S. Dominici *Vincentius Baronus*, *Julius Mercurius*, *Ioannes Baptista Gonet*, quibus addi potest *Jacobus à S. Dominico*: & ex Carmelitis Discalceatis, *Pseudophilalethes*. Prætereo paucos alios haud multūm celebres Juris Consultos, qui se extrà forum suum controversiis Theologicis intruserunt, exercito Magisterio, antequām fierent Discipuli. Ubi iterūm suppono, quod memini suprà, ut probabilitas stricta & certa concilietur sententiæ alicui, præsertim morali, tria meritò à Doctoribus requiri. Scilicet primò non vulgarem, sed excellentem peritiam in ea materia, quam non obiter, sed accuratè pertractent. Secundò non superbiâ præceps, nec præjudicio vel affectu in al-

in alterutram partem præoccupatum, sed modestum, maturum & prudens judicium. Tertiò *Vitam laudatam, & morum Christiano dignam integratam.* Quibus ita prænotatis, videamus, quam authoritatem opinioni probabilitisticæ h[ab]itales conciliare possint.

2. *Sinnichio* tribuit hanc laudem Paternitas Vestra, quod scripserit *Opus, cui Titulus Saul Ex-Rex & Goliatismus profligatus, à pluribus Viris doctis probatum, & à Librorum Ordinario Censure approbatum.* Respondeo me ex hoc elogio sati præsumere, quod opus non inspexerit Paternitas Vestra, aliás infamem Religiosorum hostem & inverecundum Calumniatorem vituperio dignorem aestimasset. Scommatibus non decertat Vir bonus.

3. *Prospferum Fagnanum, Illustrissimum* vocat Paternitas Vestra & laudibus celebratum à plurimis gravissimis Viris. Fateor equidem; & veneror Virum: propter singularem imprimis sacri juris peritiam, tum & ingenuum animi candorem, quo fatetur, se nunquam studuisse Theologiae. Tametsi tamen plusculum & suprà mediocritatem in Theologicis profecisset, parùm potest commovere ejus authoritas, ut potè Viri non satìs consequenter locuti & ex propriis suis assertis argumenta diluentis, quibus nos gratis oppugnat. Taceo præoccupatum affectum & scommata, quæ in immeritos jacit. Paupertatis indicium est in materia præsenti probabilitatem emendicare à talibus.

4. Pro authoritate Stephano Gradio concilianda allegat Paternitas Vestrā, quod Magister Sacri Palatii jussér̄t imprimi ejus libellum, in quo disputeret modestè cum Honorato Fabri. Judicet prudens Lector, quām disputeret modestè. Ita habet: *Providendum est vir optime (Honoratum è Societate alloquitur) ne remedium, quod adhibebitis, sit ipso malo, cui obviām itis, nocentius. Vos jure probabilitatis à vobis privatim condito, & ante vos Authores; de Probabilistis in genere loquor (ut præter Jesuitas & alii tangantur) in foro & in iudiciis inaudito, in ipsam omnis juris & omnium legum arcem invaditis: unde periculum est, ne asylum quoddam omnis licentiae aperiatur, ex cuius turba omnis generis mortalium accusu collecta Babylon aliqua confusionis existat. Adeò namque latè patere persuasum est novam hanc de opinione probabilitate Philosophiam, ut eā freti passim homines ad agenda, quæcumque ad manū veniunt, profilire non dubitent, certa cum spe, non defuturū telum ex instructissimo probabilitatum armamentario depromendum, quo se a rimaq; salutem expediant. Cui certè vitio non adeò pateret aditus, si tam vīlis non esset annona bonæ mentis & honestatis & officii. Scilicet hæc modestè dicta sunt in Jesuitas & Probabilistas, nè eadem in nos immodestiū citasse videretur Paternitas Vestrā in utroq; suo libello *De Radice*. Authoritas ejusmodi Scriptoris nec tenuem quidem & creperam, et si creperet, conciliare potest doctrinis vestris probabi-*

babilitatem : præsertim cùm Libellus ejus contra Honoratum haud magnam sapiat doctrinam theologicam.

5. *Wendrockii* nomen indignum aestimavit Paternitas Vestra appressione in suo libello, justū judicium. Montaltio petulantior Scurra est.

6. *Vincentium Baronum* peto non excusari ; multòminus tantoperè commendari à Paternitate Vestra. Pacis causâ prætereo, ob quæ justo prudentis judicio comprobetur , nullam penitùs huic viro attribuendam authoritatem in controversia præsenti & pluribus. Quicunque *Sua-rem* doctrinâ & religiosâ modestiâ incomparabilem virum carpit *ut inverecundum* : *Vasquem* ab universo Complutensium Doctorum senatu, pro Doctrinæ perspectæ oraculo proclamatum, deprimit *velut debilem* : *Lessium* virtutis & eruditio[n]is laude celebratissimum , *novitatis* insimulat : *Bellarmino* tot nobilissimarum palmarum fortissimo & integerrimo pugili fœda exprobrat: Qui *Molinam* arguit irreverentia in Divos Augustinum & Thomam : *Toletum* accusat, quod *Commentaria in Aristotelem ex Soto* fuerit furans. *Valentiam* scribit insipienter locum : *Amicum non defendere personam viri catholici*: (Taceo his graviora & propè innumera :) non est vir bonus.

7. *Julio Mercurio* illustre in dictatis Scholasticis testimonium dedi ex *Antonio Terillo*, doctrinæ ac modestiæ. Quod tamen constanti & manifestæ

hominum experientiæ tam fortiter contradicat pro fangienda Probabilioristica vestra, probare non possum, dum negat intellectum assentiri posse minus probabili, eò quod hic instar bilancis in æquilibrio constitutæ, eam in partem inclinari non possit, cui levius rationum pondus incumbat. Quod falsissimum esse evidenter comprobabo infra. Cætera quoque argumenta, quæ adducit contrà nos, facile solvuntur. Patebit ex responsis, quæ dabimus ad objecta ipsi & Paternitati Vestrae communia.

8. *Joannem Baptistam Gonethum*, tametsi mentis impetus subinde abripiat in præsenti materia, æstimo tamen & veneror in paucis. Sed rationibus tamen suis vulnera non facit probabilisticæ. Quæ fortius movet argumenta contra nos, etiam Paternitas Vestra movit: claras responses & solidas promitto.

9. *Jacobus à S. Dominico*, quo usâ fuit Paternitas Vestra, uti apparet ex libellis super Radice, multa, fateor, exprobrat Probabilisticis, sed nihil solidè probat. Quicquid rationum adducit, refutabitur in objectis à Paternitate Vestra.

10. *Pseudophilalethes* (quem germanum *Philalethen Eupistinum* vocat Paternitas Vestra, sed male; cùm per imposturam sibi attribuat nomen competens *Jacobo Piatelio Soc. J.*) quantus Vir sit, ostendit *Franciscus de Fourmestraux in justa defensione adversus convitia & imposturas ipsius*: immò

immò & proprius suus modestissimus Ordo; cùm ad similia audienda silentium ei deinceps imposuit. Neque iste patrocinari potest, ex iusto prudentis judicio Probabilioristicæ vestræ.

ii. Atque hæc, ut paucis notarem, æquitas postulavit. cùm enim doctrinis & fædis censurebus suis velit Paternitas Vestra conciliare authoritatem à Doctoribus, quas non potest defendere justis rationibus, ostendendum erat, eattenus eam deficere, quatenus vel doctrinæ soliditas, vel maturitas & integritas judicii, animique passio in citatis Doctoribus eclypsin patitur. *Sic enim constiterit ( verbis Terilli utar in probabilioristicos Doctores) doctrinam aliquam animo alieniore, aut passione mentem turbante, scripto traditam, typisque mandatam fuisse: Sic certum sit, eandem non dissimili impetu hodieque in animis quorundam conservari, iisdemque studiis & quasi factiosis progressibus discipulorum mentibus imprimi: & contrariam omnium Scriptorum communem sententiam, & quasi Societati propriā, in ludibriū Ordinis & contemptum Doctrinæ, buccis crepantibus ab adversariis animosè depraedicari notum fiat; eo ipso Authorum illorum authoritatem languere, & ad probabilitatem suis assertis conciliandam, parum aut nihil momenti habere, certum erit. Quia evidens præsumptio est eos ex passionis impetu mentem turbante, non ex sincero veritatis studio, ac, ut viros peritos & probos decet, sententiam suam protulisse. (& paulò post)*

Evidens est, & flens dico, primos Authores, acris-  
res fautores, & seduliores promulgatores oppositæ  
doctrinæ; paucos excipio; homines esse ac fuisse aut  
novitatis addicatos, aut hæresis Jansenianæ certis-  
simos Fautores, eademque fortè infectos: sed potissi-  
mè constat, plures eorum, ne dicam ferè omnes, ma-  
levolentissimo, ac amaro nimis animo in Societatem  
JESU, ejusque Authores affectos fuisse, & hanc de-  
sequenda opinione probabili, tutoire relictâ, senten-  
tiam tanquam erimen intolerabile, & doctrinam  
animis Christianorum perniciosa ( velut radicem  
sceleratam damnatarum propositionum ) in op-  
probrium Ordinis, in ejus Authoribus, ubique ob-  
viam & quasi propriam, ut caput accusationis non  
infimum protulisse. Atqueutinam aut eadem, aut  
non multò inferiore animositate & malevolentia,  
questiōnis causa hodie apud multos non conserva-  
retur, & propugnaretur in audientium animis. Ve-  
rūm oppositum ejus, quod cupio, nimis apertum est  
in oculis eorum, qui sincero animo, quæ per mun-  
dum in hac materia geruntur, circumspi-  
ciunt. Ita ille. Nihil habeo, quod  
addam.



RESPON-